


國立故宮博物院珍藏



清代起居注冊

光緒朝
第六十一冊

清代起居注冊

光緒朝 第六



0000027310

期限

于下列日期前将书

古史博物院珍藏



37503

光緒二十四年五月上……三〇七九五
 光緒二十四年五月下……三〇八五五
 光緒二十四年六月上……三〇九一一
 光緒二十四年六月下……三〇九七一
 光緒二十四年七月上……三一〇一五
 光緒二十四年七月下……三一〇一九
 光緒二十四年八月上……三一二〇七
 光緒二十四年八月下……三一二八五

光緒二十四年歲次戊戌五月初一日癸丑內閣
奉

諭旨徐邨著管理國子監事務又奉

諭旨孫家鼐著充會典館正總裁許應駘著充會典館

副總裁又奉

諭旨徐會澧著充國史館副總裁又奉

諭旨芬車現丁母憂左翼前鋒統領仍著載卓署理

鑾儀衛鑾儀使仍著奕功署理鑲黃旗滿洲副都統仍著官祥署理又奉

諭旨依克唐阿等奏馬賊焚劫集鎮並燬衙門請將疏防各官分別懲處一摺本年四月間有馬賊二百餘人竄入朝陽鎮沿途燒搶該總管等既未能先事預防又未能探明賊目立時擒捕實屬畏葸無能咎無可諉海龍城總管依桑阿著革職留營

効力以觀後效左翼翼長候補協領璽格著即行
革職海城縣知縣署海龍廳通判楊澍著交部議
處仍著依克唐阿等嚴飭派出各營隊實力拏
將此股賊匪悉數撲滅毋任蔓延為患餘著照所議
辦理該部知道

是日

起居注官文海高廣恩

初二日甲寅卯刻

上詣中和殿

閱視

祝版畢

詣

大高玄殿拈香

駕還養心殿內閣奉

諭旨御史宋伯魯楊深秀奏禮臣守舊迂謬阻撓新政一摺著許應騤按照所叅各節明白回奏又奉

諭旨御史曾宗彥奏農工二務亟宜振興一摺另片奏南北洋宜設立礦學學堂等語著總理各國事務衙門一併議奏又奉

諭旨恭壽奏請飭催藩司迅速赴任等語調任四川布政使王之春著張之洞譚繼洵飭令該藩司即

行赴任母稍延緩又奉

諭旨張汝梅奏特叅玩視盜案致獲人命之知縣請
旨革職一摺山東費縣知縣葛鴻恩於民人賀茂
占呈報搶案並不上緊緝拏賊賊輒將事主答責
致令自戕實屬荒謬糊塗費縣知縣葛鴻恩著即
行革職以示懲儆餘著照所議辦理

是日

起居注官儒林黃思永

初三日乙卯丑刻

上詣

方澤壇

皇地祇行夏至

大祀禮成

先期齋戒三日

齋宮停蹕

雍和宮

火神廟拈香畢

駕還養心殿內閣奉

諭旨步軍統領衙門奏拏獲疊次結夥持械搶劫盜
犯請交部審辦一摺所有拏獲之譚大邢大即邢
桂淋二名著交刑部嚴行審訊按律定擬未獲之
皮匠張仍著嚴緝務獲究辦原拏此案之負弁著
俟刑部定案時聲明請旨該衙門知道又奉

諭旨步軍統領衙門奏拏獲結夥持械搶擄婦女人
犯請交部審辦一摺所有拏獲之夏老兒即夏得

海小崇即崇興駕子安即安永泰小邵即邵永長
趙老即趙連順閻三姐張邢氏等七名口著交刑
部嚴行訊究在逃之小林馬六兒小辛小海等犯
仍著嚴緝務獲究辦另片奏拏獲持械尋毆搶擄
婦女人犯等語小李即李恩明小石即石萬福朱
蔣氏朱得順等四名口著一併交刑部審明辦理
該衙門知道又奉

諭旨宋慶奏營官虛誇謬妄行同無賴請旨革職等
語河南候補都司高維勲候補游擊崔凌雲於撤
差後逗留天津互相招搖希圖撞騙實屬軍營敗
類均著即行革職交地方官嚴加管束以肅營規

是日

起居注官伊克坦泰綬章

初四日丙辰卯刻

上詣倚虹堂少坐至

樂壽堂

慈禧端佑康頤昭豫莊誠壽恭欽獻崇熙皇太后前請安
奉

皇太后幸頤樂殿侍早晚膳看戲畢

駐蹕頤和園玉瀾堂內閣奉

諭旨榮祿著授為文淵閣大學士又奉

諭旨許應駉奏遵旨明白回奏一摺該尚書被叅各節既據逐一陳明並無阻撓等情即著毋庸置議禮部有總司貢舉學校之責總理衙門辦理交涉事件均關緊要該尚書嗣後遇事務當益加勉勵與各堂官和衷商榷用副委任又奉

諭旨正藍旗蒙古都統和碩額駙札拉豐阿持躬謹

恪練達老成由散秩大臣挑在乾清門當差充御
前侍衛補授副都統洊升都統管理健銳營神機
營各處事務宣力有年克勤厥職前因患病賞假
調理遽聞溘逝軫惜殊深加恩著照都統例賜卹
任內一切處分悉予開復應得卹典該衙門察例
具奏